

১৪
(প্রমদাবাবুকে লিখিত)

শ্রীশ্রীদুর্গা সহায়

বাগবাজার, কলিকাতা
২রা সেপ্টেম্বর, ১৮৮৯

পূজ্যপাদেষু,

মহাশয়ের দুইখানি পত্র কয়েক দিবস হইল পাইয়াছি। মহাশয়ের অন্তরে জ্ঞান ও ভক্তির অপূর্ব
সম্মিলন দেখিয়া বড়ই আনন্দিত হইয়াছি। আপনি যে তর্কযুক্তি পরিত্যাগ করিতে উপদেশ দেন, তাহা অতি
যথার্থ বটে এবং প্রত্যেক জীবনেরই উদ্দেশ্য তাহাই -- ‘ভিদ্যতে হৃদয়গ্রন্থিঃ’ ইত্যাদি^১। তবে কি না আমার
গুরুমহারাজ যে প্রকার বলিতেন যে, কলসী পুরিবার সময় ভকভক ধ্বনি করে, পূর্ণ হইলে নিস্তব্ধ হইয়া যায়,
আমার পক্ষে সেইরূপ জানিবেন। বোধ হয়, দুই-তিন সপ্তাহের মধ্যে মহাশয়ের সহিত সাক্ষাৎ করিতে
পারিব -- ঈশ্বর মনোবাঞ্ছা পূর্ণ করুন। ইতি

দাস

নরেন্দ্র

^১ ভিদ্যতে হৃদয়গ্রন্থিঃ শির্দন্তে সর্বসংশয়াঃ।

ক্ষীয়ন্তে চাস্য কৰ্মাণি তস্মিন্ দৃষ্টে পরাবরে।। --মুন্ডকোপনিষৎ, ২, ২।৮